

## **Oromo - Soul Scriptures**

**Maatewoosiv 11:28-30 Yesus itti fufee, 'Isin warri itti dhamaatanii dadhabdan, ba'aanis kan isinitti ulfaatu hundinuu gara koo kottaa; ani boqonnaa isiniifan kenna. 29 Waanjoo koo fuudhaatii baadhaa, ana irraas baraa; anoo garraamii dha kanan gad of deebises; boqonnaas lubbuu keessaniif in argattu. 30 Waanjoon koo nama hin dhibu, ba'aan namni anaaf jedhee baatus salphaa dha' jedhe.**

**Jalqabee 2:7 Waaqayyo gooftaan biyyoo lafaattii nama tolchee, hafuura jirenya itti godhu funyaan isaatti in baafate; akkasitti namni uumama lubbuu qabaatee jiraatu ta'e.**

**Jalqabee 34:2,3,8 Sheekem ilmi Hamoor nama Hiiwoo, abbaa biyya sanaa yommuu ishee arge, ishee butee wajjin ciisee ishee salphise. 3 Yaadni isaa Dhinee intala Yaaqoob duukaa in sokke; inni intalattii in jaallata, garaa intalaa kan ittiin laaffifatus in dubbata ture. 8 Kana gidduutti Hamoor isaaniin, 'Yaadni Sheekem ilma koo intala keessan duukaa sokke; hadaraa, ishee ilma koof kenna!**

**Namoota 21:4 Israa'eloonni naanna'anii biyya Edoom bira darbanii adeemuudhaaf tulluu Hoorii ka'anii karaa galaana diimaa dhaqu irra in bu'an; garuu karaa irratti obsa in dhaban.**

**Deuteronomy 4:29 Garuu achitti Waaqayyoon gooftaa keessan in barbaaddattu; isin garaa keessan guutuudhaan, yaada keessan guutuudhaanis yoo isa barbaaddattan isa in argattu!**

**Judges 16:16 Har'aa bor isa gaafachuudhaan rakkiftee taa'uu fi ka'uu waan isa dhowwiteef hamma du'aatti in gadde.**

**1 Saamu'elitti 18:1 Daawit yommus Saa'olii wajjin dudubbachuu in raawwate; erga yeroo sanaatii Yonaataan ilmi Saa'ol baay'isee Daawititti in maxxane; akka lubbuu isaatiittis isa in jaallate.**

**1 Moototaa 1:29 Yommus mootichi kakatee, 'Dhugaa Waaqayyo isa jiraataa, isa rakkina koo hundumaa keessaa na baasee,**

**2 Moototaa 4:27 Isheen tulluu irraa lafa namni Waaqayyoo sun jiru yommuu geesse, miilla isaatti in kufte; Gehaaz garuu isa irraa achi ishee butuuf gara isheetti in dhi'aate; namni Waaqayyoo sun immoo, 'Isheen rakkina jabaa keessa jirti; kanas Waaqayyo ana jalaa dhokse malee, anatti hin himne kanaaf ishee dhiisi!' jedhe.**

**Iyoob 7:11 'Ani garuu afaan koo hin qabadhu; sababii hafuurri koo dhiphatuuf nan dubbadha, sababii jirenyi keessa ba'ee anatti**

**hadhaa'uufis nan himadha.**

**Iyoob 14:22 isatti dhukkuba dhagna isaatii duwwaatu dhaga'ama, kanaaf inni ofuma isaa duwwaadhaaf in boo'a' jedhe.**

**Iyoob 19:2 'Hamma yoomiitti lubbuu koo dhiphiftu? Hamma yoomiittis dubbiidhaan lafee koo cabsitu?**

**Iyoob 27:2 'Dhugaa Waaqayyo isa jiraataa isa firdii na dhowwatee, isa hundumaa danda'uu, isa jirenya koo anatti hadheessee,**

**Iyoob 30:25 Ani warra rakkina keessa jiraniif hin boonyee ree? Warra deegaadhaafis garaan koo hin gaddinee ree?**

**Faarfanna 6:3,4 Lubbuun koos immoo baay'ee raafameera, ati garuu yaa Waaqayyo, hamma yoomiitti turta? 4 Yaa Waaqayyo, deebi'i, jirenya koos anaaf oolchi, gaarummaa keef jedhiitii na gargaari!**

**Faarfanna 7:1,2 Yaa Waaqayyo gooftaa ko, ani sitti kooluu nan gala na gargaari, warra na ari'atan hundumaa jalaa na baasi! 2 Lafa inni oolchu na bira hin jirretti, isaan akka leencaa ana cuffatanii hin kukkutatin!**

**Faarfanna 17:13 Yaa Waaqayyo, ka'iitii nama jal'aadhaan mormuudhaaf dura dhaabadhu, inni gugguufee harka isaa akka kennus godhi! Billaa keetiin isa harkaa ana baasi.**

**Faarfanna 23:3 inni lubbuu anatti in deebisa, maqaa isaatiif jedhee daandii qajeelaa irra na geggeessa.**

**Faarfanna 25:20 Ati jirenya koo eegi, ana oolchis; ani kooluu sitti galeera, akka ani hin yeellaasifamne godhi!**

**Faarfanna 33:19 Inni lubbuu isaanii du'a in oolcha, beela keessattis jireenyatti isaan in eega.**

**Faarfanna 34:22 Waaqayyo lubbuu hojjetoota isaa in fura, warra isatti kooluu galan keessaas tokkotti illee yakki hin muramu.**

**Faarfanna 35:12,13 Isa ani gaarii isaaniif godheef hamaa anaaf in deebisu; kopha-galeessas na godhan. 13 Ani garuu yeroo isaan dhukkubsatan, uffata gaddaa nan uffadhe, soomuudhaan namummaa koo gad nan deebise, gara qoma kootti gad jedhees nan kadhadheef;**

**Faarfanna 41:4 Ani immoo, 'Yaa Waaqayyo, anaaf oo'i, ani si duratti cubbuu hojjedheera, na fayyisi!' jedhee kadhadheera.**

**Faarfanna 42:5,11 Yaa lubbuu ko, maaliif akkas gadditee dhiphatta?**

**Maaliifis akkas ana keessatti gabii dhabda? Ati Waaqayyoon abdiidhaan eeggadhu! Anoo deebi'ee gargaarsa isa biraan anaaf dhufuuf, Waaqayyo koo ta'uu isaatiifis isa jajachuufan jira! 11 Yaa lubbuu ko, maaliif akkas gadditee dhiphatta? Maaliifis akkas ana keessatti gabii dhabda? Ati Waaqayyoon abdiidhaan eeggadhu! Anoo deebi'ee gargaarsa isa duraa anaaf dhufuuf, Waaqayyo koo ta'uu**

**isaatiifis isa jajachuufan jira! (Faarfanna 42:6,11; 43:5)**

**Faarfanna 56:13 Fuula kee dura, yaa Waaqayyo, ifa jirenyaa keessas  
akka ani deddeebi'utti, ati lubbuu koo du'a, miilla koos gufuu  
oolchiteetta.**

**Faarfanna 69:10 soomuun koo, lubbuu koos dhiphisuun koo  
arrabsoodhaaf anaaf ta'e.**

**Faarfanna 69:18 Anatti dhi'aadhuu na furi, dhiibbii diinota kootiif jedhii  
na oolchi!**

**Faarfanna 86:13 Gaarummaan ati ana argisiifte guddaa dha, ati lubbuu  
koo boolla lafa jalaa isa gad fagoo keessaa baafteetta.**

**Faarfanna 97:10 Isin warri Waaqayyoon jaallattan wanta hamaa jibbaa!  
Inni lubbuu warra isaaf of kennanii in eega, harka jal'ootaas isaan in  
oolcha.**

**Faarfanna 107:9 Innoo isa dheebotaa dheebuu in baasa, isa beela'aas  
waan gaariidhaan in quufsa.**

**Faarfanna 116:4 Yommus, 'Yaa Waaqayyo, ani sin kadhadha, lubbuu koo  
oolchi!' jedhee, maqaa Waaqayyoo nan waammadhe.**

**Faarfanna 116:8 Ati immoo yaa gooftaa, lubbuu koo du'a, ija koo  
imimmaan, miilla koos gufachuu oolchiteetta.**

**Faarfanna 119:28 Ani gadda irraa kan ka'e taa'ee nan boo'a, ati akka  
dubbii keetti ol na kaasi!**

**Faarfanna 120:2 Afaan sobuu fi arraba gowwoomsu jalaa, ati na oolchi,  
yaa Waaqayyo!**

**Faarfanna 121:7 Waaqayyo hamaa hundumaattii si eega, inni jirenya  
kee in eega.**

**Faarfanna 124:7 Akka simbirroonni kiyyoo adamsituu jalaa baatu, nuyis  
isaan jalaa in baane kiyyichi in ciccite, nuyis jalaa in baane.**

**Faarfanna 138:3 Guyyaa ani si waammadhetti na jalaa owwatteetta, ati  
na jabeessite, lubbuun koos humna godhatte.**

**Fakkeenyonni 6:32 Namni ejju qalbii hin qabu, namni kana godhu of in  
balleessa;**

**Fakkeenyonni 22:25 Isa irraa bartee, kiyyoo keessa akka of hin buufnetti  
of eeggadhu!**

**Ermiyas 20:13 Waaqayyo warra gadadamoo harka warra hamootaa  
keessaa waan baaseef, isa faarfadhaa, isa jajadhaas!**

**Ermiyas 31:25 ani warra dheebotan nan obaasa, warra beela'anis nan  
quufsa' jedhe.**

**Hisqi'el 13:20,21 Kanaafis Waaqayyo gooftaan, 'Kunoo, ani kudhaama  
keessan isa isin akka kiyyoo ittiin simbira qabaniitti, ittiin lubbuu**

**namootaa adamsitan irratti nan ka'a; irree keessanittiis nan cira;  
lubbuu namoota isin akka simbiraatti qabattaniis gad nan dhiisa; 21  
marata keessanis irraa nan babbaqaqsa saba koos harka keessan  
keessaa nan baasa; isaanis si'achi qabamanii harka keessan jala hin  
galan; yommus ani Waaqayyo akkan ta'e isin in beektu.**

**Maatewoosiv 10:28 Warra foon namaa ajjeesanii lubbuu garuu ajjeesuu  
hin dandeenye hin sodaatinaa! Kanaa mannaa isa lubbuu fi foon qilillee  
keessatti balleessuu danda'u sodaadhaa!**

**Maatewoosiv 16:26 Namni biyya lafaa guutummaatti yoo buufate, lubbuu  
isaa garuu yoo dhabe, bu'aan isaa maali ree? Yookiis namni gatii  
lubbuu isaa maal kennuu danda'a ree? (Maarqoosi 8:36,37)**

**Maatewoosiv 22:37 Yommus Yesus deebisee, "Waaqayyo kee goofticha  
garaa kee guutuudhaan, jirenya kee guutuudhaan, yaada kee  
guutuudhaanis jaallachuutu siif ta'a".**

**Maatewoosiv 26:38 Yommus, 'Lubbuun koo hamma du'aatti baay'ee  
gaddite; isin as turaa anaa wajjinis dammaqaa!' isaaniin jedhe.  
(Maarqoosi 14:34)**

**Maarqoosi 12:30 Atis Waaqayyo kee goofticha garaa kee guutuudhaan,  
jirenya kee guutuudhaan, yaada kee guutuudhaan, humna kee  
guutuudhaanis jaallachuutu siif ta'a"!**

**Luqaas 12:20 Waaqayyo garuu "Yaa gowwaa, edana lubbuu kee si duraa  
fudhachuuf jiru; egaa kan ati qopheessite kun hundinuu eenyuuf ta'a  
ree?" ittiin jedhe.**

**Luqaas 21:19 Egaa rakkina obsuu keessaniin jirenya keessan isa dhugaa  
in argattu' jedhee isaaniif deebise.**

**Yohaannisi 12:27 Yesus itti fufee, 'Amma lubbuun koo dhiphatteetti; egaa,  
"Yaa abbaa yerottii kana na oolchi!" jedhu moo ree? Garuu  
sababiidhuma kanaaf ani immoo gara yerottii kanaa dhufe.**

**Hujii Ergamtootaa 14:22 Isaan yaada amantootaa jajjabeessanii, amantii  
isaaniitti akka cimaniif gorsan; 'Gidiraa baay'ee keessa darbuudhaan  
mootummaa Waaqayyootti galuun nuuf in ta'a' jedhaniin.**

**Hujii Ergamtootaa 15:24 'Nu keessaa jarreen tokko, kanaaf utuu hin  
ajajamin isin bira dhufanii, dubbiidhaan akka isin wallaalchisan, yaada  
keessanis akka raasan dhageenyeerra.**

**1 Qorontoosiitti 15:45 Caaffanni qulqullaa'aan, 'Addaam inni duraa foon  
lubbuu qabu ta'e; Addaam inni lammaffaan immoo hafuura jirenya  
kennu ta'e' jedha.**

**1 Tasalooneeqeetti 5:23 Waaqayyo inni nagaa namaaf kenu guutummaatti  
ofii isaatiif isin haa qulquelleessu; yeroo dhufa gooftaa keenyaa Yesus**

**Kristosittis hafuura keessan, lubbuu keessan, foon keessanis fayyaatti  
mudaa akka hin godhannettis haa eegu!**

**Ibrootaatti 6:19 Akka qofoon sibiilaa markaba qabee dhaabu, nuyis abdii  
amanamaadhaa fi cimaa lubbuun qabatee dhaabatu qabna; inni iddo  
hundumaa irra caalaa qulqulluu gara isa keessaa iyyuu in ga'a.**

**Ibrootaatti 10:39 Nuyi warra amantii qabani fi warra lubbuu isaanii  
oolfatani dha malee, warra badiisaaf dugda isatti gatan miti.**

**Yaaqoobi 1:21 Kanaafis xuraa'ummaa, hammina safara dhabes hundumaa  
of irraa fageessaa! Dubbii lubbuu keessan fayyisuu danda'u, isa kanaaf  
dhaabame sanas garraamummaadhaan fudhadhaa!**

**Yaaqoobi 5:20 Inni nama cubbamaa karaa jal'aa irraa deebise kun, lubbuu  
du'a oolchuu isaa, baay'ina cubbuus deebi'ee akka hin argamne  
gochuu isaa haa beeku!**

**1 Pheexiroosi 1:9 Fayina lubbuu keessanii, isa amantiin keessan bira  
ga'uudhaaf akeekkachaa jiru argachuuttis in gammaddu.**

**1 Pheexiroosi 1:22 Isin dhugaadhaaf abboomamuu keessaniin, jirenya  
keessan qulleeffattanii, obboloota garaa qulqulluudhaan jaallachuu  
bira geessaniittu; ammas jaalala ho'aa isa garaa keessaa dhufuun wal  
jaalladhaa!**

**1 Pheexiroosi 2:11 Michoota ko! Isin warra ormummaatti jiraattan, warra  
biyyaa baafamtanis nan gorsa; fedha foonii isa lubbuu keessan lolu  
irraa fagaadhaa!**

**1 Pheexiroosi 4:19 Kanaafis warri akka jaalala Waaqayyootti dhiphatan  
iyyuu, gaarii hojjechuudhaan lubbuu isaanii uumaa isaanii isa  
amanamaatti hadaraa haa kennatan!**

**2 Pheexiroosi 2:7,8 Looxin nama qajeelaa, isa gad-dhiisatti jiraachuu  
warra jal'ootaatti yaadaan rakkachaa ture immoo in oolche. 8 Namichi  
qajeelaan sun yeroo isaan gidduu jiraatu waan arguu fi waan  
dhaga'uun, lubbuun isaa isheen qajeeltuun sababii hojii isaanii isa  
seeraan walii hin galleef guyyaa guyyaatti isa keessatti in rakkatti  
turte.**

**3 Yohaannisi 1:2 Yaa michuu ko! Akkuma karaa lubbuu sitti tole, karaa  
hundumaan akka sitti tolu, akka ati fayyaa taatus nan kadhadha.**